


建昌府志



建昌府志卷之六



學校志

治天下以正風俗得賢才爲本世之治其必由學乎學
必有師師莫如古聖人入室儼然工居肆矣百辟有功
我所事鄉先正我所儀器斯利矣乃若書院社學小學
先民有作不頌於縣官一時風動或勝道人之鐸其亦
黨庠州序屬民讀法之意與周禮近郊有士田管子有
士鄉其制皆莫可攷今附學田祠田以存梗概

學校志

名宦
學田

附
鄉賢

射圃

建昌府儒學宋太平興國年改建昌軍建學在郡治之

西靖康二年燬紹興四年又燬後十六年知軍事蔣循

祖廼修治之復學地與學田之侵于民者繪鄉先生李

泰伯之像于大成殿之南廡下以風後學汪舉會記上

年命守臣修郡學惟時知軍事蔣循祖祇先德意去舊

易新越明年二月學成自堂祖廡畢工于門端序輪奐

觀者動目以謂甲于江西先是軍學靖康二年火于人

紹興四年燬于兵自是郡守以春秋釋奠禮不可去迺

墻故址之半剝殿于中乃拾遺桁于倉乃搜廢屋于氓

因陋就簡補綴門廊歲歷七稔殿楹未丹中堂未甃簷

溜未渠上雨旁風礎陷棟傾木朽瓦弊我公之來視事

之三日恭謁殿庭蹙然不寧曰有民有人不教不化則

已而欲化民成俗事其有急於此者乎命工倅圖檢材

諏日有期矣暨膺詔旨益勵益虔故凡所以養士之具

罔不如法則又取學地之緡學田之租昏默于吏侵濫

于豪者條舉而經正之士遭艱難儒服不備幾與皂伍

則又為冠以莊其首猶以為未也則又繪其鄉先生李

泰伯之像于大成殿之南廡下以為易俗之倡若然則

公之成是學也豈直為文具應上命而已哉公又以是

為風化之首宜有識以示方來乃俾舉會紀其事舉會

建昌府志卷之六

學校

一

疑若柔緩而無能為者然光武不階尺土系隆漢緒與高祖同符元帝正馬渡江重集大明而歷過西晉是以自古天下國家之所以固結斯人而不可解者在此而不在彼顧力行何如耳今皇帝接戈息馬不忘道藝櫛風沐雨罔忽庠序方設太學復起小雅菁莪之廢而宣重光于中國焉一方一州使人如公承流宣化不匿厥旨則人倫明於上小民親於下有道如三代之長矣若晉與漢殆未可以同年而語於是人知我公異時去是而羽儀天朝果可與有為而任天下之重若乃計工庸之寡多錄瓦木之條枚則有司存皆非明天子所以命郡侯立學之意故不書學舊無記創建歲月之廢興亦莫得而記云紹興十三年二月八日記

元符間知軍事管師仁建四賢堂于廟右

祀李觀曾蜚王無咎鄧潤

甫東巖傳拳記

元泰定間郡守薩德梅增修學址而修治之

吳文正公澄記

至正六年同知府事劉渠建大成殿

學士虞集記畧曰天下之物徃於外

飾之觀而中懷之不察若此者多矣審勢而知慮先事而措安有若劉侯之於斯殿者豈非可以為鑑者哉嗚呼翼翼廟堂既尊既安來遊來瞻於赫如在必有慨焉於心目之間矣士之與凡民其受於天者固無異也而士之所以為貴者豈不以其至尊至貴可愛可欲之有諸其身者乎天子之於民物無不養也而為仕者則建立師授之室而教之豈非以其有諸身者可以及諸其人乎然而學非其道假諸外以苟歲時而不知其非已者皆取敗之道也亦將何所用哉是故天下國家之事皆士之事也而為天下國家皆以修身為本修身者原夫天理之微極乎人倫之至行諸日用之實以達乎通變宜無他道也劉侯成均舊遊蓋將尊所聞而行所知焉其所以奉行明詔者有不在土木之工明矣觀其殿成之日親率其屬聘明師于家以輔其教焉其志固有在矣然則吾黨之士尚知朝廷之所以望學校者乎

明景泰七年知府江浩修葺如時制

侍郎何文淵記

又明至於

成化間知府謝士元大新學宮召工遠方稽制國學新

禮樂器購經書子史百家之籍興學教士一時為江右

首稱

修撰羅倫記古之學者義也今之學者利也學所以為人也人為人也人為人也人為也

成之為人義也先王之教也古之學者學之為君臣馬學之為父子馬學之為長幼馬學之為視聽語默馬學之為進退辭受取予馬學之為生為死福禍馬所以學為人也以則聖人以配天地以順四時以叙百物以興禮樂以崇道義而措諸天下國家官諸後世所以學為人

也其學焉者義也家以教之塾黨以教之庠術以教之序國以教之學不帥教者鄉左移之右右移之左不變

移之郊不變移之遂不變移之遠方終身不齒有左道以亂民者殺其教焉者義也三年大比考其德行察其道藝典其賢者能者以禮賓之論定然後官之任官然

後爵之位定然後祿之其用焉者義也士生斯世也不義焉往及道之衰異端之言盈天下之言不出于

佛則出于老老者曰吾利人生也佛者曰吾利人死也天下之民聞其言而樂之樂乎彼不樂乎此矣其能由

學乎凡學者問其業幼者曰能誦讀已長者曰能科舉已學成而各立者曰能詞章已考其德行察其道義以

書未有也學異乎古也父兄之願如之師傳之誨如之朋友之胥漸如之不異其初教異乎古也三年大比考

其文而第焉賓于鄉升于成均揚于王廷乃命以位大夫之貴公鄉之尊可坐而待也父母曰顯矣妻子曰肥

矣僚友婚姻曰榮矣考其功能紀于彙常以匹休前聞人蓋未有也周而上帥天下以義而民從之由漢而下帥

利焉往由周而上帥天下以義而民從之由漢而下帥如此我朝列聖建學立師則古昔稱先王知是道也建

昌郡有學舊矣弗稱謝公士元來守郡乃為之以風士心視舊壯焉巡按夏公時正見而是之命師立其道命弟子從其教命太守終其事命倫紀其成○大學士商

輅記建昌府廟學在府治西宋慶曆間建紹興與兵燹後
 從而新之元至正間復新之迨今百餘年雖屢經葺飾
 然亦因循舊規而已知府事謝士元下車秣謁先聖退
 而嘆曰是邦號稱文獻而廟學敝陋弗稱曷以副國家
 崇儒重道之意乎成化己丑春遂以脩建之舉請於朝
 朝命許可乃鳩工掄材卜日就事顧舊禮殿卑前壇淺
 狹兩廡與戟門欹傾櫺星門造失其制一切撤去即舊
 址斥其後二尋以為殿前墀深廣足以行禮殿高四尋
 有四尺廣贏高三尋深縮廣六尺大兩廡廡十有三間
 作戟門門三十楹櫺星門以石為之其制悉歸於正舊
 明倫堂逼殿後僅六尋而左右四齋其二蔽於殿之飛
 簷不通明又號房逼其後房隘甚地高於齋三尺或時
 雨暴至潦從齋出退堂之舊址近後以據其高爽培齋
 之舊址與舊堂址平併號房地以廣齋于是堂去殿凡
 深八尋前墀方正四齋相向皆軒豁明達無所蔽堂之
 前為直道又前為橫道附殿後以達廊廡廡之北高啓
 門以通往來齋南各連構一區如齋之制左以藏禮器
 右以藏樂器堂之後為平臺又後為講堂凡五間中後

架為夾室以藏制書左右為二室以藏經史前堂之左
 為庖右為廩兩廡後隙地構屋各六十四楹為諸生肄
 業之所廩南為射圃中構亭曰觀德及教官廡舍淺陋
 弗足以居焉皆闢而新之自殿堂門廡以及齋房庖廩
 隨其大小皆需堅材用圖永久自先聖及兩廡諸賢凡
 為新像百二十有四其間遶豆壘竿鍾磬琴瑟之屬咸
 具落成之日衆口稱嘆謂學廟一新文化亦新自今來
 游之士脩德講學之功一息少懈即為上負聖明下負
 賢侯於心獨無赧乎謝君聞而喜曰此吾意也因述修
 建始末介翰林修撰張昇來徵予記將刻石示勸予惟
 廟之設所以崇祀先聖啓迪來學使人觀感興起於對
 越之間優游厭飫於藏脩之際誦詩書而譚禮樂惇民
 彝而厚風化其於治道豈小補哉有司之務宜莫急於
 此謝君由進士高第郎官優選出守大郡慈祥豈弟有
 古循良風觀於此舉可為知所先後矣郡之人士盍益
 勉夫因書以爲記○編脩張元禎禮樂器記曰文廟之
 祭今制一損益前代先聖尊以王爵其禮樂視周上公
 後王爵古上公也其配享從祀諸賢自顏子下儀章悉

學校

五

以封爵而差時用春秋二仲月上丁牲少牢樂登歌幣
 素茲皆大節之循故者禮之器故登一鉶三今第一登
 二鉶故遵十豆十今遵豆第八故簠簋各二今亦二故
 五齊三酒二水尊二十有八不勺者八不勺者十六今第
 勺者一酒三尊故七體俎二腥熟俎復六今第二俎故
 槃毛血二籩豆間金先瘞以降神不槃故南二俎三坩
 坩三爵今三爵第前三羨徑寘坩不用故配享各祝文
 一今統之尊第祝文一樂之器鍾磬數堵故十有六十
 二正聲四清聲純用今堵亦十六而第用黃鍾大簇應
 鍾仲呂南呂林鍾黃鍾清六聲琴故十一三五七九絃
 各二今第六絃七絃者六或六俱七絃者故絲竹下六
 音俱依鍾磬用十六聲純今亦鍾磬聲依第用六故樂無舞今
 舞以羽籥六佾焉故分獻樂各殊章今亦統之尊弗制配享故
 羊一丞一各帛一登鉶簠簋殺先聖各一俎殺而二籩豆殺
 而四今數俱與故一第籩豆各殺而六十哲從祀故東西各半
 豕一弊登鉶無籩豆各殺而二簠無今十哲東西豕各一
 弊共一從祀東西同十哲各鉶一從祀無鉶十哲籩豆殺而四
 從祀殺而二十哲簠簋與從祀俱殺而一茲皆器數末節之有

損益者大者無損益凡以同崇極於百王小者有
 備以貴多儀孰與簡以致精誠實維先聖從先進嘉仲
 由之初意猗其盛哉建昌太守謝侯士元既大脩廟學
 成維是禮樂器刻敝不足將事特請之朝更造之召工
 遠方稽制國學銅者百五十五禮器百三十九俱爵樂
 器十六俱鍾竹木者五百有二禮器籩豆各百四十四
 簠簋各三十八簠九俎百二十九樂器琴瑟六瑟二簫一
 笙六管四笛四篪一柷一百一敵一翟三十六籥如之陶者
 三十皆禮器登五銅二十尊五石者土者革者二十皆
 樂器磬十六塤一應鼓一搏拊二凡為禮樂器八百有
 五大小畢具規範如程時祀攸陳殿庶間儀章聲采輝
 煌洋溢人心懽悅聖哲儼臨賢郡守仰承朝廷崇極盛
 意於以贊成右文興化之治大作為自與巔巔未務者
 殊與記以傳之元禎備員太史氏職當然也○何喬新
 觀德亭記射之為禮肇自上古備于成周而廢于列國
 兵爭之際自漢以隆莫有講其禮者我太祖高皇帝興
 學養士肇復古先哲王之制乃詔天下學校皆立射圃
 每月朔望師儒率諸生以從事焉建昌舊有射圃在豐

盈倉之西偏去郡學稍遠師生習射者病之天順癸未
 夏五月三山謝侯士元由戶部主事出守茲邦侯究心
 民事未數月政通人蘇盜遁奸革民用宜之蒞政之明
 年侯眎射圃隘且遠乃度地于郡學之西偏以為師生
 習射之所繚以崇墉作亭其中廣若干步深若干步而
 扁之曰觀德以予為郡人也俾為之記予惟射者君子
 之事也天下無事則用之以禮義天下有事則用之以
 攻伐其法賓主有送迎之拜耦繼有上下之儀其行有
 卻兼弣弛張之度矢有措挾順羽拾取之儀其行有左
 右其升降有先後其容體必比於禮其節奏必比於樂
 蓋其儀文之備如此故禮曰內志正外體直然後持弓
 矢審固持弓矢審固然後可以言中此可以觀德行矣
 周衰禮廢士大夫於觀德之射既莫之講而貫革之射
 遂轉於武夫追我聖祖祗適先王令猷講求其禮而行
 之天下將使為士者復觀古昔儀文之盛今謝侯又能
 擴射圃新射亭俾郡之師生有所從事蓋將納士于禮
 樂之中以成其文武之材也其用心厚矣哉予繫官于
 朝未得與郡之諸君子較藝茲圃它日幸得歸榮姑山

盱水之間聞郡大夫暨群彥講行鄉射之禮將與鄉之
 好學不勃好禮不變髦期稱道不亂者往觀焉雖筋力
 不能勝弓矢亦庶幾可以弘治五年分封益國故學址
 觀德矣姑記諸亭以俟

入藩第知府孫備徙學于郡治北天寧寺時工役繁興
 重改作故仍佛宮為大成殿殿之後仍梵堂為撰堂堂
 之後仍閣為尊經閣殿東西有廡廡之前為戟門為櫺
 星門門間跨流水而橋者三閣東為廩廩為廡舍閣西
 為明倫堂東西列齋序曰志道曰據德曰依仁曰游藝
 禮器樂器庫附齋下西連號房凡十餘楹堂下砌為露
 臺臺下甬道數十武道上立儀門門外有橋多因遺構

徒置如初弘治十年知府熊宗德拓橋西地創神厨宰
 牲房庫房開滌牲池橋南建學門繚以垣屋門之前豎
 泮宮坊尋撤去弘治十八年知府舒崑山同知林廷獻
 因滌牲池北隙地建號房二十楹建講堂於明倫堂後
 於戟門左建名宦祠右建鄉賢祠門之外闢大路路南
 合濬湮窟爲泮池池南建桂香樓西建屋二十楹爲外
 號房正德七年知府安奎建射圃立觀德堂于饌堂之
 左九年秋雷震大成殿知府韓轍同知何恩以殿仍佛
 官弗稱正祀因撤而新之門廡葺治丹碧煥然十二年

春又從士議爰度地宜改建明倫堂于射圃推官羅江
 廼相其成經制於是爲備嘉靖元年詔正祀典大成殿
 易名先師廟嘉靖八年知府張紘奉建御製碑六座敬
 一亭萬曆三十四年叅政余霑捐十金知府朱與翹捐

七十金修尊經閣

內藏頒降書十三部太常少卿左宗
 郢出所藏書送入府學計經一十四

部史一十五部集二十七部律七部奏疏三十二部志
 一百九十部禱書二十二部其自序曰○予行役四方
 得收攬天下圖籍蓋備員奔走者十年竿臺班九載及
 還山幾充棟矣或有爲之謀曰積矣盍以貽諸予曰盍
 哉昔人云子孫未必能讀抑讀何必子孫也盍出諸市
 不愈于飽蠹乎予曰鄙哉聞市書不聞以書市也予茲
 得所藏矣學宮者先聖先賢精神之所凝棲典墳丘索
 之所藜集博士弟子之所遊攬官司大夫之所稽覈舍

是吾將焉藏客又進曰噫吾見藏書學官者矣始則披其籍犁如也井如也抽其帙爛如也不數年而存者什五又數年而存者十一二逮十年後蕩然僅寄空名于舊版其為漢壁為秦灰也了不可問也子是之舉亦迂哉予愀然作而曰子過矣以書藏學官辟則星麗天而流歸海也得所藏也不可易也且在則人亡則書聖賢之心至今在則聖賢之書詎氓氓耶予姑為吾所得為不能知所不可知子過矣守斯藏也發所藏而讀之不虛藏也以埃後之君子後因學

府李恢先通判牟暹推官荆本澈各捐俸重建大學士蔡國用崇禎九年明倫堂火知

記名宦祠在先師殿儀門左 祀唐刺史顏公真鄉

明知府陳公鼎 楊公誼 謝公士元 李公麟 秦

公瓊 王公度 許公孚遠 趙公元吉 羅公江 推官 陸公鍵

吳公麟徵鄉賢祠宋太學說書李公觀祀宋知軍事贈

右僕射陳公彭年 中書舍人曾公鞏 右侍郎魯

公布 學士曾公肇 司業朱京 侍郎朱公彥 尚

書鄧公潤甫 進士王公無咎 侍郎聶公子述

處士呂公坎儒 通判張公日中 明尚書何公喬新

僉事江公徵 同知陶公清 尚書張公昇 布政張

公恩 侍郎贈尚書羅公玘 苑馬寺少卿程公燦

太常寺卿夏公良勝 刑部侍郎朱公大器 國子祭

酒王公材 雲南叅政羅公汝芳 廣西左布政宜公

浙 涪州知州黃公壽 刑部郎中王公懋中 吏部

文選司郎中劉公文卿 叅政黃公瑜 翰林院待詔

鄧公元錫 兵部主事張公時顯 太僕寺卿鄧公鍊

太常寺少卿左公宗鄂 應天府丞王公一言 御史

陸僉事陳公本 福建 鹽運使 黃公立言 趙公 部 知縣贈尙

寶寺卿張公紹登 刑部郎中鄧公允淳 文學張公

峇 張公埏 贈少卿 劉公大年 副使黎公 民範 進士張公 以化

射圃在學宮之右嘉靖二十五年同知周良相改號舍

為之構亭一夾室二後改為新司萬曆六年知府王之

屏復立射圃于新司之右三十八年推官陸健郎射圃

改為盱江書院

學田嘉靖十六年知府王度捐俸置田二百七十八斗

嘉靖二十七年知府陳公陞捐俸置田七十七斗萬曆

四十年郡守鄒鳴雷捐俸一百金置買十八都田一十

九段歲收租谷五十六石以贍諸生之清貧者 太常少

鄧記畧曰公蒞郡三稔厥所規恢益更僕未易數大都

有周羔羊之正直而懷以一腔有漢馮鳳之寬和而凜

以三尺故十萬之家陽春徧滿五邑之士桑麻茂茲百

度惟貞百廢具舉他置無論其首務鬻序則無日不

注心焉既廸之尚實申之倫常矣復為董之課業勵之

建昌府志

卷之六

十

之不啻其家塾之計子弟者然乃慨發德意出俸金百
屬郡博陳臣忠金聲買田若干畝爲諸生食饌具田在
則諸生之課業在諸生之課業在則公之勞來輔
翼在于以作人成化爲國儲材垂之千百世可也
南城縣儒學

漢末建學唐總章二年詔立廟宋慶曆三年闢地置軍
學而縣附之紹興十二年知縣趙旦始建縣學擇南隅
太平寺荒園爲之廣袤數百步作門廊齋舍僅二百楹
而講業堂聖賢像則邑人蔡延世成之二十四年延世
復捐金錢營大成殿乃妥聖賢像於其中學負西而面
東中爲殿殿之旁爲兩廡由殿而後爲堂堂之兩旁爲

四齋由廟而前爲戟門爲櫺星門景定三年知軍事趙
時稼整飭尊道堂及門廡齋舍元泰定三年總管薩德
彌教諭劉公稷範銅爲簠簋諸祭器至正十二年燬於
兵惟門屋殿堂獨存十九年縣尹曾必高脩復之明洪
武元年奉制改尊道堂爲明倫堂改四齋爲兩齋七年
知縣張稅新廟學十年知縣呂昇立射圃未脩者增葺
如制十五年奉制立卧碑於明倫堂之左永樂二十一
年教諭江濟訓導項修捐俸資爲倡新廟學作櫺星門
正統五年知府楊誼創樂育堂於明倫堂後景泰五年

巡撫都御史韓雍至命知府江浩出羨餘闢明倫堂左隙地開膳堂立號房二十餘楹而知縣陳陞建尊經閣以貯書籍改文昌閣爲龍首樓又泮池外四周爲垣以萃風氣嘉靖二十一年建世宗御制碑六座亭曰敬一隆慶元年教諭沈泮以敬一亭碑不宜設於右偏乃遷于泮池前以便瞻對萬曆四年知縣范涑置聖學心傳坊于進賢門前顧廟前隙地古昔毬塲後爲宗學凌壓障隔前秀而氣象隘迫未舒天啓六年知縣吳之屏教諭萬仞翔生員丘時行余浣等更爲增築廟堂新其門曰聚奎乙酉燼于兵

國朝順治十五年知縣李正蔚以建學申請巡按御史許世昌巡道羅森知府白寶珩各捐俸資助教諭程吉卿訓導朱藝舉人蕭韻貢生黃士晉鄧煌生員趙孟經吳捷之夏大紘盛美趙學普黃日應蕭文燦黎詠年聶慎餘崔昊王如魯蕭文炳許郁鄧蔚趙孟珙等朝夕鳩理築月臺高丈餘乃立廟殿宇門廡視舊制巍煥改觀會撫

按

題叙紀錄旌扁有差十七年諸生復請于巡道張永祺知

府高天爵知縣苗蕃鼎建明倫堂康熙九年知縣曹養
 恒教諭鍾秀暨造尊經閣各捐俸及本庠諸生優免乃
 告成

名宦祠

宋領建昌軍事蔡公延世 明知縣高公齊南 范公

涑 葛公文炳 王公維夔 吳公之屏 馬公士驊

教諭 謝公瑤 訓導周公一陽

鄉賢祠

宋侍郎黃公曉 明右都御史鄧公棨 刑部郎中吳

公衍 永州知府黃公彬 岳州同知夏公寶 徽州

同知許公瓚 柳州知州范公沂 餘姚縣丞羅公鈇

處士萬公實

學田 宋崇寧中詔民間絕戶田產俱入學贍士不許別
 售紹興中許克明趙常相繼令南城共括得絕戶

二百畝令學以資士廩餼邑人之軍事蔡延世復捐腴
 田百畝繼之學之有田蓋自此始元制不可詳然遺碑

中有脩廟用學中籽粒語則其田亦未嘗廢明洪武中
 盡收先世學田入縣通用為官田而別取賦稅以為師

弟廩祿之需則享有田之利而無給田之迹省督租之
 勞而齊豐凶之入法斯善矣然儒官祿薄有司皆莫之

省嘉靖二十年知縣曹達以縣學無田乃政府學鄭坊
 州田給之其田皆瓜畚凡三大段歲收銀三十兩萬曆

三年知縣范涑給岡嘴頭尹家段田三段歲收租谷一
 十三石八斗又給芙蓉山田五段歲收租谷二十一石

六斗又給鼓角州地一段歲收銀四兩五年又分黃孝子祠田三十一畝歲收租谷一百七十八石魚塘租銀三兩三錢五分萬曆四十年郡守鄔鳴雷捐俸一百兩買十九都田歲收租谷五十七石

南豐縣儒學

宋慶曆間令周燮構縣之西南為學創殿廡門堂廡舍

繪聖賢像以興學為已任

魯易占記古鄉黨學校少長為位以萃居教用六德行藝

節用五禮六樂糾用八刑論用其鄉之老蓋本之道導民成化故其士之入朝在鄉居家皆就法度而莫為非此古之所為治而傳子孫不殆也自鄉黨之制廢學校雖有在者亦矣於古其居無少長教無六德行藝節無禮樂糾非八刑論非其鄉之老不本之導民成化而至於辭故其事之入朝在鄉居家皆無法度而為亦無所不至此後之所以不為古也雖然古之意不可改也古之制不必盡用也今有能使君臣父子兄弟夫婦皆為其

所宜而非辭之謂則其俗庶幾矣如是而設學也非謂通於本末欵宋初定天下惟汴有學天聖以來雖雖上至他府若州亦往往興學矣縣於民最屬與古鄉黨均然莫知為學獨南豐周侯至則考縣之西南構為學門闈邃深殿室森嚴孔子七十子像圖以序其中循兩傍而進棲士之舍繇甲而第之至於癸齋次之間焉堂南嚮講問之席於是乎設庖湏井存之東便門之西北器施於古禮於今用無不備修度之初侯親教語士民靡靡然爭出財幣惟恐人先既作侯引其佐來觀來程工不以勞後毋以遲已成使少長為別以入處侯日為言孝悌順慈吾且論進不然吾罰不私人退於私廬於里進於公庭皆相鏘切以承侯言噫所謂通於本末者此庶幾歟縣之士劉德純合同志而謀曰吾侯所設脩如此盍相與圖記使永永與是宮俱傳狀必假之以其言為來世信行者吾縣初無隸儒者由魯氏建隆祥符間諫議以文行為海內望其世寢聞往請於諫議之子其可遂來予愧之遜不得也乃申古之意告之使學者知有歸也學之立其佐蓋有助云周侯字仲鈞名燮佐名

臧姓俞氏慶曆四年
二月十日記

元至元十九年縣陞為州時學燬于寇宣差武抄兒重
修文廟及兩廡

延祐丙辰八月禮殿傾知州王著更新之飾衮冕像新

櫺星門 水村劉堽記

至元四年知州事烏樞重修廟學先賢祠新櫺星門 王充

耘記至正甲申知州事史文彬重建櫺星門整飾殿廡聖

賢像範金為爵為簋簋樽壘若干器 上官綸記至正庚子年

知州裴彥直重建學宮 明洪武甲寅知縣馬上賓建

川上亭于櫺星門外 洪武壬戌知縣袁仁亨建神房

庫宰牲房于戟門左 永樂元年知縣潘同建射圃

景泰庚午年知縣陳勉重建文昌閣買關學門外地以

大規制 韓陽記天順壬申廟學火按察僉事陳騏同知蕭

允恭知縣楊休楊參後先繕治規制如初 知府謝士元記正德

壬申併便民豐儲二倉以廣學宮 江西提學副使李夢陽准本學師生申白

并地立門後方改建嘉靖三年甲申知縣祝繼臯改建明倫堂 舊明

倫堂即今嘉靖九年庚寅詔正祀典去像易木主嘉

靖二十一年壬寅知縣向縞新東西兩廡及先賢牌位

復戟門如舊制 嘉靖四十一年癸亥櫺星門災知縣

任懋官重建易以石柱 隆慶二年知縣金文業修儒

學鄧汝相記 萬曆十二年署縣通判薛瀚修明倫堂王璽記

啓聖祠在先師殿後即舊明倫堂址嘉靖九年奉詔立 敬一亭在啓聖祠後嘉靖戊子頒御製敬

一箴御註五箴奉禮部文勒石建亭

名宦祠

唐縣令游公茂洪 獨孤公及 宋縣令楊公應廉

黃公佺孫 陳公處九 攝南豐縣令楊公休 元知

州裴公彥直 聶公從政 明典史馮公堅 知縣潘

公同 陳公勉 衡公岳 初作縣城副使胡公世寧

倡義守城臨川知縣林公潤 教諭李公翺 訓導汪

公綸

鄉賢祠

宋文定魯公鞏 文昭魯公肇 文定陳公宗禮 司

戶朱公軾 士曹魯公悟 通判曾公忘 教授劉公

堦 待制符公行中 推官鄧公德秀 朝奉郎李公

涓 通直郎黃公樞 明御史甘公霖 左叅政趙公

濟 副使李公立 按察使王公璽 詹事趙公師聖

舉人湯公邦翰 運判趙公郡 文學李公經綸 贈

大理寺丞蕭公漢

射圃 在文廟西萬曆年知縣寧公瑞鯉清出侵占地還

學宮年久兵燹後又被侵佔兵巡道李公嘉猷以

事臨縣命知縣張公金榜教諭陳公翰廷又清出

侵占地還學宮復射圃舊界

學田 歷年共置租田玖拾叁石叁斗捌升

新城縣儒學

宋紹興八年始析為縣十三年縣令李維芑始作廟于

邑之巽隅建學于廟之旁 謝蔽 明洪武元年知縣沙良

佐重建大成殿及兩廡櫺星門殿後建明倫堂左右立

兩齋曰立忠曰進德闢射圃于學外建至肅堂于門內

立燕居于杏壇之後十七年知縣洪深建神厨宰牲庫

房于至肅堂左置倉立忠齋後宣德甲寅知縣陳員韜

教諭上官佑復購民居以廣學正統丙辰邑人鈕子迪

闢學門之左創藏書閣建四賢祠于學門右成化丙戌

同知蕭允恭知縣傅京建尊經閣以儲經籍 知府謝弘

治甲寅知縣段敏修廟堂兩廡齋舍及戟門櫺星門 尚書

何喬新記 嘉靖戊子頒御制敬一箴御註五箴奉禮部勒石

積于櫛星門外購民地改闢泮池引荆源水注其中○

天啓五年知縣吳之屏教諭陳維謙重修儒學頭門二

門○崇禎七年甲戌知縣楊榮同邑尚書徐國鼎重建

名宦鄉賢二祠

國朝順治十二年邑南京吏部尚書徐公國鼎仲子徐斯

皇孫大諒大詠大詒重建聖殿兩廡大成櫛星二門魏

記古者天子諸侯建學以教士因祭先聖先師於其堂

其後天下州縣皆得建孔子廟而學或廢又於孔子廟

傍作學舍居生徒相誦習講課至今數百年仍其制特

所為學者僅存其名而古者教士之良法美意與其文

具則一無所與蓋教化不與士之不出於學也又矣然

且崇其貌嚴其祭祀使有志之士一嘗咨嗟慨慕固以

上求乎建學教士之義則所以存千百於什一者猶有

其具及其凌彙舉所為孔子廟視其朽頽荒蕪若唐肆

之不足介意士心蕩然無所繫屬而古學校之意將盡

斯滅而不復有所存嗚呼是誰之咎也新城學宮久圯

而不治邑太冢宰徐公國鼎憂之時方繕城命其子曰

他日無廢命邑既被兵學宮益圯東西兩廡以下盡墟

歲春秋俎豆無所布有司掃地以祭于是已亥閏三月

公少子斯皇偕其兄子大諒大詠大詒修舉之秋九月

建昌府志

卷之六

學校

十八

南有赤溪為宋李觀讀書處禧少讀觀表州州學記爰其文明健所以教人臣人子者甚篤邑君子于其文誦之久矣然當時官府倡議經營於上吏督成于下踰年告成觀猶重其事為之記涂氏當世之流以先公命竭一家之力不七月而舉之視袁州為何如而邑君子久不忘其功則又因是以求古者建學教士之義是役也寢廟率舊制益魁甌易柱棟之壞自戶維新建廡門加弘厥焉木石甃堊丹漆之費白金之兩以十記者凡一百有五於是相材鳩工早夜勤事不怠則大諒功尤著云○康熙九年冬大雪壞先師廟兩廡涂斯皇大諒大誅大訪復修之是年教諭謝生蘭重修學署併修兩齋舊址垣墻及明倫堂月臺

名宦祠

宋縣令趙公輔政 明知縣陳公員韜 段公敏 蕭

公一中 葉公良佩 湯公建衡 教諭陳公毓明訓導 陳公良 陳公

鄉賢祠

梁侍中司空監知郡事黃公仲昭 宋太學說書李公

觀 處士呂公次儒 尚書左丞鄧公潤甫 國子直

講王公無咎 狀元張公淵徵 明汀州府同知陳公

衮 知府何公垕 待詔鄧公元錫 祭酒王公材

僉都御史鄧漢

學田明嘉靖間邑翰林院檢討王材置本縣五都田租

五十石邑人鄧榆置三都田租三十石知縣李伯生置

四十九都五十都田租二十三石 萬曆間知府鄔鳴

雷知縣章宗禮捐俸置十三都田租六十九石四斗五升
天啓間邑人蕭國泰捐十二都田租二十五石
崇禎間邑人黎文煥捐五十四都田租一十二石七斗五升

國朝順治七年生員饒國裕捐南坊及三都田租一十二石二斗五升
○十五年奉文查報除減荒蕪田租九十石五升
康熙十年教諭謝生蘭奉踏勘召佃新墾荒田計租二十八石三斗三升

廣昌縣儒學

宋紹興八年始析為縣故學在縣治西十七年縣令丞敷遷于縣南後令曹進之遷今丞相益公周必大記泰定庚寅江

閩寇起燬廟學丙申令葛崇節重創大成殿巳未令趙

希譚繼建門廡齋堂朝散大夫陳艾記明洪武元年知縣侯端

即故基建大成殿兩廡戟門櫺星門九年知縣張琥創

明倫堂列崇文尚德二齋十六年知縣李文建神厨宰

牲庫房於齋西立射圃永樂四年主簿劉拯鳩材修之

六年教諭單信增築學門景泰元年知縣江浩度官地

于大覺寺西改作射圃建亭重修殿堂門廡庖厨庫舍

尚書何景泰六年知縣詹靖典史李堅建文會堂于明

倫堂後成化三年同知蕭允恭知縣葉茂高等重修廟

學規制益宏學士劉定之記廣昌當宋南渡後析南豐

郡屬建昌故以名是時李忠定綱安撫江右為之畫壤

置署而廟學近縣獄蓋播越南定經營猶朱得全美也

久之徒縣治東止戈亭舊址雙溪合匯群峯環峙面勢

維勝始足為育士之所周文忠必大書其成其後士類

輩出若寶謨學士何坦樞密副使陳宗禮其尤表著元

末燬于兵明初更創至景泰間稍隳復新者江令浩坦

之裔吏部尚書文淵記距今未甚久而郡之蕭武守允

恭清戎政臨其縣以時康俗阜力可克拓迺謀諸淮部

者謝守士元可其事惟時典縣者葉尹茂高李二尹拳

師泮者邵教諭忠洎訓導段補王煥相與書公署與衆

財以為之於廟自殿而廡而戟門於學自堂而前而後

房他如附于廟所宜有者宰犧牲藏器幣以及之具神

祀鄉十賢莫不有室附于學所宜有者皮經籍供廩祿

以及泮池射圃之類亦莫不有所罔踰前規亦甲旁邑

始事于成化丁亥夏落成于戊子春尚書之子秋官節中

而光斯世者然非教養弗臻聖時重儒育士曼超邇代

而廣昌職司所以脩飾廟學為菁莪棫樸之地者復足

以稱性在乎士自勗焉士如勗諸則受中秉彝大本真

源天所有者固有也在學者深造而已其他取哉古之

士不途時若孔孟且轍環侯國歷覽諸邦終於老朽今

吾有君漸仁義縣名器以勵我而惟恐不風成也奚自

怠哉至於築崑鈞礎之夫簞瓢緼袍之徒不庠校矜珮

不日饜月庾而尚登翼于邦速肖于聖則吾處斯學也

奚可若鄭詩所刺桃達城闕以廢學哉賦之自天教之

由主居之得地而士堪之以已庶乎其高大悠久在士

而不徒在茲構也

弘治元年教諭宋暄率義民饒秉元等改建明倫堂

何

新記弘治十年縣丞魏仕魁與致仕知縣黃璉州同知王傑等胥謀於櫛星門之南堰築石提溪流不害何喬新記弘

治十二年僉事黃珙議燬東嶽觀以廣學基正德四年

揭文昭妻樂氏建青雲樓于上尙書張昇記

啓聖祠嘉靖甲午知縣周昇建隆慶二年敬一亭嘉靖巳丑知縣

毛益奉建御製敬一箴尊經閣即青雲樓舊址隆慶壬申分廵道許鑑重建

名宦祠

宋知縣承公敷 曹公進之 趙公希詭 朱公汝賢

何公叔達 元進士秀嶺巡檢關公珪 明知縣林公

永齡 江公浩 唐公靖 袁公仕鳳張公舜牧 莊公英 蔣

公承學 王公佑 余公瑩 教諭舒公瑄 崔公復

秀 鄭公鉉 訓導蘇公燦 主簿何公沾沛 典史

李公堅 千戶楊公清

鄉賢祠

宋寶謨閣學士何公坦 紹興太守何公聖能 將仕

郎副尉何公洲 元邵武經歷揭公佑民 廣昌縣縣

尉揭公叔元 明廣西潯州府知府陳公嘉謨 太子

太保吏部尙書何公文淵 太子少傅刑部尙書何公

喬新 兵部左侍郎揭公稽 雲南按察使賴公巽

雲南左叅政賴公瑛 山東監察御史聶公侃 刑科

都給事中王公岳 直隸宿遷縣丞易公叔衍 雲南

呈貢知縣黃公金 雲南白鹽井提舉黃公初 浙江

台州府同知黃公疇 廣東都司斷事黃公琛 刑部

左侍郎何公源 按察司副使羅公萬程

射圃亭 乙亥教諭唐鑑修大成殿文會堂訓導何常道

學田 邑人易瓊置租田一百二十石在新興里○侍郎

黃昭捐田租九十石在新興里邑人羅良俊捐田租一

百石在新興里知縣張汝霖查涼傘棟田租四十石久

為閩民混侵生員李尚忠具呈清復萬曆四十年知府

鄔鳴雷捐俸五十兩知縣莊日宣捐俸二十兩置租田

三十一石在文會里邑人羅萬程捐租八十石在新興

里天啓甲子年生員饒時舉饒昂臣饒登饒咨舜饒穎

等捐禾尚庄田租二百二十石 又真隱寺門首田租三十石

瀘溪縣儒學 初建於東城外雜傳姓民居中萬曆十五年知縣汪謨

以學在城外官司出入為難決之堪輿得勝地於縣治

之西申請當道改建甯故址得直若干通學諸生洎民

間好義等各捐助若干初任知縣陳王廷建橋銀十兩

彙買新基及工匠等費其規模木料磚石俱仍舊越二

十年餘而棟折壁壓敝壞極矣萬曆三十九年知縣梁應掄申請更修增土擴基輦石聚木晨出暮入諸所修建載在碑記學西原無路乃集眾議改舊路機祥家測以土圭石笋正當巽位在天星巽正納辛為天乙太乙照臨之地

先師廟在明倫堂前崇禎戊寅寇燬已卯年貢生傅登覺具呈按院徐養心蒙批聖廟焚毀兩載未議建復尊師崇儒之典謂何仰建昌府瀘溪縣動支完贖銀一百兩立簿襄助宜刻期鳩工遴材毋使膠庠片地長付榛

莽想亦司世教者所共留心也速報隨耆民傅元松林

永吉仰承憲意督造工竣

啓聖祠 知縣梁應掄建在明倫堂後崇禎戊寅寇燬康熙十年縣丞孟吉熊署篆合紳衿等歛貲重建

學田 萬曆十年知縣陳玉廷謂邑有學學必有月試廩餼之需儀文公私之費貧生膏食之助不為設處

無以作人今新治措注孔艱量追廢寺田一十五畝歲收租利五兩零實一蕢之覆也因時加惠育士者必有同心焉一段坐落土名瀘岡山萬靈峯田五畝租銀二兩九錢一段坐落土名長境源黃石坑田三畝租銀一兩六錢一段坐落西門外七天沙洲田一畝五分租銀八錢伍分一段坐落十六都土名劉家山鐵籠源田一畝二分租銀五錢五分

萬曆三十五年知府朱與翹斷入儒學 一段坐落三都土名艾家源龍

潭庵前田十畝歲收租銀二兩外除租銀一兩與佃人完本田糧差

萬曆四十年知府鄔鳴雷給銀三十兩買入儒學田

坐落九都地名新華殿前田五畝五分八厘四毫租銀三兩一段坐落十六都地名養老峯田一畝五分五厘七毫租銀六錢一段坐落十六都百戶演租銀三錢

卷之六終

建昌府志卷之七

學校志 書院 社學

書院

南城盱江書院

初在北隅雍熙街與文里宋儒李觀嘗教授於其地觀既沒邑人咸追仰開慶

元年知軍事魯楚因即其地建盱江書院有明倫堂有誠意正心格物致知四齋景定三年知軍事錢應孫修之增矧殿宇講堂塑先聖先師像暨橋路門亭咸脩復給田以養士歷元來其田亦湮沒明正德七年提學副使李夢陽以西南隅之東嶽廟改建書院東西二十五丈五尺南北二十七丈五尺各前堂曰正經後堂曰上達旁列學舍各十楹正經堂之左曰志伊堂右曰學顏堂上達堂之右曰文會堂正經堂之前為亭為臺為甬道為門以廟田租一百三十八石七斗盡歸之書院又以鳴山廢廟租八十五石四斗益之凡士之試優等者

皆餽養其中夢陽為記而親書之道士疏於朝下撫按
 勘議不可十一年府府韓轍同知何恩增學舍二十楹
 提學僉事田汝耕復加賞勸嘉靖三年改為益國羣牧
 所乃以比隅清源廟陰陽醫學廢址改為書院其田入
 府學九年改為小學而書院遂廢萬曆二年邑人副使
 羅汝芳請于益恭王得北郭隙地建屋前後數椽工費
 繁鉅曠歲不能成萬曆三十七年推官陸鍵即府學之
 射圃改建祀先守敬庵許公而課諸生於其中置餼田
 巡道王永寧南城知縣李同道一書院在南隅塑朱陸
 芳各捐俸有差郡李陸徠記道一書院二先生像於其
 中後改於北明德堂羅公汝芳講學之所在北開正學
 隅射圃今北明德堂鳳凰山下檢討楊起元記一
 書院祀羅公汝芳在從姑山北其紫陽書院在北開萬
 崇祀考亭朱子每科試額兩雍會館在府治北隅知府
 錄科四人視明德試額例
 建為太學生課業之育英堂郡守鄒鳴雷推官陸健
 所扁其堂曰雲起

霄從公館之內堂郡守鄒鳴雷記○置育英堂會課
 田一坐仙都觀前計早租谷七石官○置育英堂會課
 租穀六石八斗七升五合官一坐黃陂橋頭共計早租
 穀六石三斗官一坐仙都觀前計早租谷四石五斗五升
 八斗官一坐仙都觀前計早租谷四石五斗五升
 官一坐仙都觀前計早租谷四石五斗五升
 租谷三十四石五斗二升五合官○左奉常助育英堂
 贍田一坐十九都李石門計早租谷六石官一坐十三
 都油坑計早租谷一十藏書山房在麻姑山宋淳熙中
 石官通計一十六石官藏書山房在麻姑山宋淳熙中
 秀藏書閣在麻源元學士程鉅夫建自銘讀書名山乃
 記藏書閣在麻源元學士程鉅夫建自銘讀書名山乃
 藏室程氏之書之藏也藏之三島之藏室老氏之藏三谷之
 數千載在方策如見其人後數千載有方策此心此身
 孰不靈於物乃謂席珍孰匪乘燹而曰覺斯民吾愛吾
 廬豈以專壑讀書名山尚友先覺方丈瀛洲玉室金堂
 遠莫致之吾有華岡挿架非藏佔嗶非讀咨爾朋來問
 津三谷大德八年歲在甲辰暮春之初華岡子謹書

吳氏書樓

陸象山記曰南城吳君子直子常兄弟作社倉

制又築書樓聚書為子孫講習之所其設意深遠流俗

未易測或者乃謂吳氏捐資以為社倉凶歲免民於死

徙其有德於人甚大後世當有興者子孫不學則不足

以承之此其所以築書樓之意使吳氏之意信出此是

市道也市道不可以交於鄉黨自好之士其可以與天

下乎吳君之意蓋曰吾為是舉非徒一世也吾兄弟他

日要當付之後人又不可不知吝則齋出貪則漁利怠

荒則廢事雖而命之或不聽於遺言何有惟學則免是

三者之患雖百世可也此吾兄弟之本指若夫富貴貧

賤則吾不能自知乃欲為後人謀而責報於荒忽不可

致詰之地則愚矣嘉定

戊辰夏六月望日記

得齋 提刑黃學海齋 元進士吳

王文忠 恒山精舍 學士宋濂記精舍建於盱江恒山則

公銘一 恒山者何示不忘其先也蓋伯昭之先家於陽

而各之恒山祖尚書丞相公由進士起家歷臺省致和

曲其八世

中蔡京方居宰府有徐裡者增廣鼓鑄之說以媚京公

劾止之既而京引方士以惑上公復上疏并奏京欺

僭上蠹國害民數事直詞正氣震動一時公諱安中字

履道世所稱初察先生者也公之子辟章出守泉州亦

以政事聞泉州之子和往來盱江樂其水土之衍沃遂

家焉至伯昭已更六世矣伯昭締室麻姑山之下東西

有

震記

黃學海齋

元進士吳

學士宋濂記

精舍建於盱

江恒山則

相去若是甚遠也

在中山之陽

曲地之相

去若

是甚遠也

穆公之所感伯昭之所志其道固宜相同也其所異者
 穆公則自南而北遷伯昭之先則自北而南來爾然此
 不必較也古之人不忘其先者不齊其迹而追其德使
 伯昭能振先德而弗使之墜則雖遷於江而無殊於恒
 山苟舍此而不圖則雖世處乎恒山日遊乎陽曲亦奚
 翅久居於遐荒而忘其祖也乎伯昭學贍而文雄試藝
 鄉闈嘗古前列及其再貢又冠多士文光炳然起於東
 南如長虹貫天無遠弗覩大江之西未有能或之先而
 其為人俊偉磊落又有燕趙奇男子之風異時立朝勁
 氣直詞必將無媿先人伯昭雖不鯁鯁於恒山濂亦知
 其承家學矣然而記有之樂樂其所自生禮不忘其本
 伯昭蓋深達夫禮樂之源者其能不致謹於斯乎伯昭
 能致謹於斯是則所以三谷書屋在麻源尚圭峯書屋
 為伯昭者也是為記

在磁龜侍斗湖書屋在北隅典文坊吏前峯書屋在從
 郎羅建章氏義館在南關章前峯
 封王事山泉書屋在南關生章氏義館在南關章前峯
 羅錦建員張容建建泰政羅汝

記義館記者記義館之所由作也作而不記者何重義舉
 也夫館為教設也所以慎養蒙淑子弟而風俗賢材所
 由以出者也自大道之公降于叔世黨庠術序良法靡
 存人之生存其間者困後衣食遂不得一親師保以開
 聰明知記數而聾聵終身者衆矣嗚呼逸居無教且近
 禽獸而况饑寒之所逼則其于禽獸也又豈特近之而
 已乎然休戚無閑則猶有可誘者若宗族之子弟而自
 祖視之皆一體也顧各子其子弟其弟開館賓師坐視
 其宗黨之淪于愚昧而莫為之所則其不義也甚矣章
 氏在盱為城南故族仕科代有聞人及前峯公進士文
 昭公冢孫益敦淳樂施與晚有二子將遷就外傳忽嘆
 曰子而思教吾至情也然宗黨子弟將無同有是情而
 願受業于茲者乎揆之以義固有弗容外者遂即其居
 之曠者就之外為庭以款賓位後為堂以設講幄庭堂
 左右俱有室有廊以舍諸生徒堂之後有小圃足供行
 玩庭之前有門門之前有二三楹設巨扁以壯觀望傍
 設廩以貯贍館歲入之租租計民糧三石師之饋俸館
 之器皿咸取足焉凡族黨子弟無親疎無遠近皆集于

是而隣里之願附者亦得以就業焉區等經度悉盡條節遠近親疎翁同一體君子曰前峯之舉也曠情以公而私弗沮成謀以密而遠弗蔽其三代之遺矣乎使章氏自是而世述焉遠近自是而其典焉則富于業者將其義田周於粟者將其義廩率吾邑而惟義之趨者未必不自此舉始也其可以無記也夫遂勒諸堅珉以垂罔極嘉靖二十五年歲次丙午仲秋月吉旦

社學

洪武八年詔有司立社學延師儒以教民間子弟蓋欲每里設一學云正統元年令提學官及府縣官嚴督勤課其後秀向學者得補生員弘治末年提學副使邵寶加意振舉凡補生員者必由社學是時社學凡有十二然其址不可詳正德七年提學副使李夢陽按臨一日而毀城內外淫祠十五處以其一改盱江書院以其十四改社學然此直隅閑學耳其於鄉都猶未暇及也歷歲既久十存一二萬曆五年知縣范涑彈心稽理稍得

其舊復毀淫祠以足之學名亦因正德之舊○禮字在北隅朝京門內樂字在西隅孔家嶺射字在北隅府治後御字在北隅童家湖書字在北隅石磴前數字在西隅杜家坊格字在北隅雍熙街致字在東隅便民倉後誠字在東隅太平橋頭正字在西隅長崗上脩字在南隅定應寺前齊字在南隅申明亭治字在北隅江家巷平字在北隅小學書在北隅清源廟廢址嘉靖六年禮部尚閑羅家廟小學在北隅清源廟廢址嘉靖六年禮部尚閑繪諸禮圖曰接子禮曰童子禮曰冠禮曰婚禮曰鄉相見禮曰子事父母禮曰婦事舅姑禮曰祀先禮曰鄉射禮曰舉一圖指示點畫令其通曉又次於句讀堂榜管子弟子職為數圖示之亦日講一圖次以小學孝經授數句麤熟即已又次於書筭堂榜以六書法每日止教一兩字又次於聽樂堂或教以鼓節或教以歌詩或擊魯薛鼓之半以習接壺禮或擊魯薛鼓之全以習射儀日講一事晡而斯已詔頒行之南城有小學自此始也

南豐學舍

曾子固肄業之所其自記曰予幼則從先生受書然是時方樂與家人童子嬉戲上下未知好好也十六七時闕六經之言與古今文章有過人者知好之則於是銳意欲與之並而是時家事亦滋出自斯以來西北則行陳蔡譙苦與睢汴淮泗出于京師東方則絕江舟潛河之渠踰五湖并封禹會稽之山出于東海上南方則載大江臨夏口而望洞庭轉彭蠡上庾嶺繇真陽之隴至南海上此予之所以涉世而奔走也蛟魚洶湧湍石之川巔崖莽林龜虎之聚與夫雨暘寒燠風波霧毒不測之危此予之所單遊遠寓而冒犯以勤也衣食藥物廬舍器用箕筥碎細之間此予之所經營以養也天傾地壞殊州獨哭數千里之遠抱喪而南積時之勞乃畢大事此予之所以遭禍而憂艱也太夫人所志與夫弟婚妹嫁四時之祠與夫屬人外親之間王事之輸此予之所皇皇而不足也予於是力疲意耗而又多疾言之所序蓋其一二之猶也得其間時挾書以學於夫為身治人世用之損益考觀講解有不能至者故不得專力盡思琢瑯文章以載私心

追古今之作者為並以足予之所好慕此予之所以自視而嗟也今天子至和之初予之侵擾多事故益甚余之力無以為乃休于家而即其旁之草舍以學或疾其隘者予故而咲曰是予之宜也予之勞心困卑或議其事者有以為之矣予之早巷窮廬穴衣礮飯形以役于事者有以為之矣予之所以遂其志而有待也芑莧之羨隱約而安者固予之所以堅其志而有待也予之疾則有之可以進於道者學之有不至至於文章平生之所好慕為之有不暇也若夫士堅木好高大之觀固世之聰明豪傑挾長而有力者所得為若予之拙豈能易而至彼哉遂歷道其少長出處與夫好慕之心以為學

華林書堂

在玉漿源宋瞿元肅構元肅由曾祖舍記

母均慈子孫盡孝兄弟友愛婦女勤事父沒兄弟六人廬墓盡哀父老張政上其事祥符九年旌表門閭復其徭役召元肅入見賜御書六十二軸親王公卿賦詩以紀其美李昉詩禮義冠鄉閭門多長者車歲收十頃稻家貯一樓書待客開新醞留僧煮嫩蔬三公老且病無暇訪幽居陳堯叟詩旌闕書亭煥水鄉四時煙景似滄

浪玉漿寒色連莎砌金障秋陰覆草堂田里從來應遜
畔兒孫遊戲亦成行吾君孝理風天下誰識謳歌綴樂
章紫陽書院在縣東聚和門外嘉靖二十一年知縣向
編其門曰紫陽書院隆慶四年知縣金文業修邑人趙
郡講學于此有記歲久漸壞萬曆十四年四月重修
南臺書院在水東南臺山麓天啓水雲書院劉水村先
之所所謂水雲村者是也後為緇流所侵今復建仍舊
名扁曰壽文堂方以智書前扁曰紹述麟經何喬新題

社學六 禮樂射御
書數編各一

新城風月亭 在縣南三里赤溪宋太
學說書李觀讀書之所 袞斧齋 在西村呂
讀書所先生借史 武彞堂 在福山双林寺後朱勝庵與
筆褒貶遂以各一 縣東四十里東岩山下

此後人為肖 東巖草堂 宋進士傅權讀書之所

會 縣北門外瀧湖明大 皆春堂 在縣城東侍郎張
司成王材講學之所 在縣城東侍郎張

岩 明節元錫 蕭曲山房 在蕭曲峯明禮部主事
讀書之處 黃端伯聚徒教授之所 西村書
堂 元處士朱民表所建教族子弟室中立祠 西城義塾
祀宋名儒歲時率諸生舍菜而講學焉

邑人楊根邦建于西溪以教鄉之子
弟歲久就廢子嵩復之知府厘記
社學六 立禮 成樂 如射
執御 通書 象數

廣昌東園書院 吏部尚書何 清溪書院 按察使賴巽
文淵讀書所 藏書之所 黛
碧亭 在縣之東隅宋時揭叔申叔元構亭讀書兄弟自
為師友講論道學元末燬于火景泰五年叔元之
孫稽 南郭雲庄 在揭坊刑部侍郎 石岡書院 在小勳
重建 何源讀書之所

社學六 禮 樂 射 御 書 數

建昌府志卷之八

秩祀志

祭法有五非是族也不在祀典至於忠孝廉節流風沁人封墓立祀古未之廢自墓大夫之職不舉而君子衣冠之藏高而隱者多矣法有賢賢有貴貴有庸庸表之道存焉

秩祀志

廟祀壇壝

建昌府城隍廟在南城縣儒學左宋紹興十二年立毀於元復於明萬曆三十七年又燬郡守

記 鄒鳴雷捐俸鼎建南城部民鄧洛錫捐貲以助鄒公有

國朝康熙九年郡守高天爵南城知縣苗蕃各捐俸修葺

廟貌丹雘一新欄杆周圍結砌稱美煥焉祭日初用春

秋二仲上庚後與祭山川同日何喬新記天下郡邑通

得祀者惟城隍之神為然蓋築土為城鑿土為隍凡以

為民之衛也高城濬隍固風雨捍寇攘必有司之者察

民叙愆而禍福之非妙萬物而神者歟建昌城隍盱江

志謂其神乃漢潁陰侯灌嬰考之於史侯起布衣佐高

皇帝定天下垓下之戰滅項羽東城而追之遂渡江平

吳定豫章諸郡凡大江之西皆侯提戈斬級所立功處

生為元功歿為明神其有必然者則司此城隍而廟食

無窮者非侯其誰哉廟舊在郡之西北宋紹興四年回

祿煽孽郡人聶子述始遷于城南通會門內太平寺之

故基元至正壬辰為郡寇所燬明洪武十年知府王簡

自堂徂基罔不畢備未樂二年知府潘榮仲因其舊而

脩之迨今八十餘年棟楹椽椽漸以腐折甃甃丹堊日

滋剝泐成化二年郡守謝仲仁謂廟宇傾圮不足以

靈將事爰咨郡僚下暨有眾相與捐金楮市木石鳩工

徒撤而新之易腐折為堅良革剝泐為端潔若堂若廡

若左司及三門凡為屋二十間崇廣得宜文質中度

又搏工以肖神像琢石以為座別創虛白堂院使守廟

道士居之肇事於是歲夏四月至冬十一月乃訖工焉

侯剖羊豕率僚屬告成於神闔境民庶聚觀贊頌凡早

滂之變疫厲之興必祈焉報焉禴焉禘焉將祀益虔靈

貺斯荅物不疵厲歲累豐登侯乃具廟之本末遣耆民

胡以榮屬予記之予以為守土之職神人具依侯自下

車以來留心庶政民既太和又餘茲神宇用妥其靈所

謂惠於神人罔怨罔悃其古豈弟君子者歟乃作迎享

送神之詩遺之使并刻於麗神之碑歲時薦獻工祝歌

之以侑牲醴焉是後也贊其成者同知蕭允恭通判蘇

浩推官張安董其役者府史裘獻耆民陶益祖胡以恭

也其詩曰神之來兮冷然以風絳旂旒旒兮駐斯宮睠

威靈兮有赫孚佑我民兮無窮牲膺焉酒馨鼓坎坎兮

瑞瑟和鳴神之所享兮在寅清我之將事兮敢弗齊明

神既享兮屏退風馬雲車兮倏何之姑山之巔兮盱水

秩祀

一

之湄儼神馭兮娛嬉神不我顧兮我心悲家有鷄豚兮
 野有秔稌神惠我民兮俾蕃以庶驅厲鬼兮錫我純嘏
 春祈兮秋報歲復歲兮敢忘神祐○聖政記曰城隍之
 祀莫詳其始先儒謂既有社矣不應復有城隍故唐李
 陰陽縉雲城隍記謂祀典無之惟吳越有之然成都城
 隍祠太和城中李德裕所建張九齡張說有祭城隍文杜
 牧有祭黃州城隍文則不獨吳越為然又蕪湖城隍建
 於吳赤鳥二年高齊慕容假梁武陵王祀城隍神皆書
 於史又不獨唐而已宋以來其祀徧天下或賜廟額或
 頒封爵土或遷就傳會名指一人以為神之姓名如鎮
 江慶元寧國太平華亭蕪湖等郡邑皆以為灌嬰是也
 龍興贛袁江吉建昌臨江南康皆以為灌嬰是也

社稷壇

宋置在郡城西南膏露門外明洪武七年
 年知府邵惠遷于西郊弘治間合祀焉

風雲雷雨山川壇

宋在社稷壇之側明洪武二年令郡
 縣置山川壇與風雲雷雨城隍同壇
 而祭知縣伍仁遷于十八都廟
 額如社稷壇制弘治間合祀焉

郡厲壇

在北郊黃家林洪武十四年立每歲春清明秋
 七月十五冬十月一日祭無祀鬼神以郡城隍

主之

南城隍廟

本南隅程氏地嘉靖中有司議均一城池不
 應府縣分祀于是毀其縣者合祭于府程氏

贖其空地為程氏先賢祠云

社稷壇

舊在益府中後毀

里社壇三百六十所

各鄉每百戶立壇一所祀土穀之
 神歲一戶輪次為會首主潔淨壇

宇春秋二社預期率辦祭物至日約祀畢行會飲禮會
 中先令一人讀法其詞曰凡我同里之人各遵守禮法
 毋恃力凌虐違者先共罰之然後經官或貧無可贍周
 急其家經年不立不使與會其婚姻喪葬有乏隨力相
 助如不從眾及作姦盜詐偽一切非為之人並
 不許入會讀誓詞畢長幼以次就坐盡懽而退

鄉厲壇三百六十所各鄉每里百戶立壇一所祭無祀鬼神歲三祭祭期視郡厲同祭物

隨俗置辦

旗纛廟舊在千戶所堂後宣德三年千戶胡儁改建懷德坊花茵內嘉靖十八年知府鄧文憲重建每

歲霜降日掌印千戶致祭因而張列軍器遊街迎賽以金鼓導之謂之揚兵府縣官不祭

麻姑廟在西南十里麻姑山仙都觀本蔡經宅舊有仙壇唐開元中道士鄧紫陽奏立宋元豐六年九

月勅曰仙真所宅佑此一方赴感應祈祥慶屢下姑從人願開道錫封冀能歆嘉以承民福明初表祀嶽瀆之

餘亦以茲山崇為祀典歲七月七日郡守率屬祀以少牢今則唯遣屬而已李觀詩流俗好仙方學道至人樂

道自成仙飛昇若也由貪欲紫府還應用詐權應真生歌千古夢河中星斗幾家天無心便是歸真日

漫傳

麻源廟在麻源三谷顏魯公仙壇記所謂谷口有神禧雨輒應是也山有石筍鄉民因塑為像南唐知

撫州方延紹重修宋知軍事劉希元有祈雨感應碑在廟廡下提刑黃震有祈雨文後燬逮明萬曆四十年邑

人太常寺卿左宗重建

關王廟舊名老神廟在南隅按舊志有古槎泊於城南引去復還因斲而塑之為神禱輒應宋紹興十

四年易名武安廟祀閔羽元末燬明洪武初復建易名忠烈後名崇寧宮

黃堂廟在西十里祀張巡

張王廟在郡治之東祀張巡一在廟嶺

黃司空廟在城南祈仙門外司空名法甄字重昭巴山即今之崇仁縣梁侯景之亂於鄉里合徒眾

有功

危王堂

在縣南七里唐危全諷鳩兵過亂鄉人德之為立祠後追封為南庭郡王故稱危王堂云

管樞密祠

在宋軍治北紹聖中公來知軍事民思其政不能忘為立生祠公名師仁宋元善仕至同

知樞密院

三忠祠

麻姑山即疑雲堂故址祀唐撫州刺史魯國公顏真卿宋節副建昌軍丞相李綱主管建昌軍

仙都觀信國公文天祥至明嘉靖中郡守臨海王度建潮陽朱廷臣脩萬曆辛亥郡守鄒鳴雷重修以岳武穆祠久圯缺祀製主附焉後胡公祠

地移主入附合三忠而益以五矣

顏魯公祠

在麻姑山仙都觀十賢堂內宋紹興二十七年知軍事胡舜舉建其證曰立廟本來皆可

紀凜然英烈殆天啓年垂八十官太師平生所欠惟死爾分其一死鴻毛輕華世俗子何用誰知我公本不契儼然立配我公忠義文章兩奇絕我來摩

碑扛鼎筆力充精奇定應神物常護持勁直千載垂規蔡撫詩太師罵賊眼欲裂由來太剛不護闕堂堂中

義八十年與賊共生寧共滅泰山可摧地可陷不可奪者公之節姦邪盧杞知不知舌舐忠臣頭上血

胡公祠

在麻姑山萬曆四十年汀潮寇起殘湖東西諸郡邑閩中亦以海警調兵致亂起浙江右布政

使胡松為江西巡撫都御史來自浙江疾趨撫州勦賊進駐建昌賊敗遁出境乃疏建三大營於南昌建昌吉

安諸郡復立守望鄉兵法以寇警征調煩苦奏減全省稅糧又奏蠲被水諸邑皆得免尋因粵閩贛三省奉旨

合勦潮賊公復駐建昌防遏要害自春徂秋凡閱一暮四十三年召入為兵部侍郎知府凌立從士民請建祠

祭酒新城

王材記

王侍郎祠

在軍治前宋紹興中敢戰卒作亂賴侍郎王義叔保全郡城士民建祠祀之紹興四年毀

從祀軍學元末復燬陳起記曰建昌在江西號為佳郡地介閩粵城小而堅巨寇如苗傳李敦仁皆常擁眾至

城下無慮數萬視我孤壘猶玩嬰兒城中之人奮勇厲氣折其攻具時出精銳以擊之賊悉宵遁由是郭郭邑屋比他郡為獨全紹興初盜嘯石陂累年未殄郡增賞格募人以討得百餘輩曰敢戰賊平無以處之遂籍名軍伍率皆無賴惡少但於攘奪桀驁難制吏不敢呵四年七月朔與賈人紛爭毆之幾死郡守太傅劉公涉欲剪亂萌稍束以法惜乎制馭術疎衆益喧呶潛圖不軌越三日遂有肘腋之變城扉晝闔恣為克暴脅廟禁兵漫散四出縱火殺人積尸枕籍上穹震悼星殞達旦時侍即王公僑寓此邦聞亂而嘆曰吾受國重恩苟利社稷生死以之乃躬冒矢石步至營門少頃指揮使劉淨領二百餘人絳巾緋袍雜還而來公止之曰爾等素號忠勇嘗立勞效朝廷待爾甚厚平時賞給金帛委至如昔年狄青作樞密使近蘭整作殿帥今州縣軍事領官職者皆有功於國隨高下任用汝等奚為快一朝之忿棄前功耶朝廷聞汝叛必遣大兵並進汝等坐守空城能自全耶其言激切淨等感泣曰事已然將奈何公曰太傅失於撫存既殘之矣不可因循上負國家誠能

當為申奏丐釋爾罪淨等喜曰天賜公活我敢不承今即斂兵止殺無敢譁者是夜撫定如淨等輩後二十隊翌旦淨與闔城士庶堅請於公曰淨等仰荷警悟例得全活然軍士不可曠願公主之公力辭不克遂率軍民詣天慶觀望闕山呼謝過草成奏章讀示於衆聞者感悅惟敢戰百餘嗜亂不已心懷反側謀欲侵南豐結連虔化山寨蹂躪宜黃踐崇仁掠金谿合臨川攻劫江東西州縣轉入閩廣且曰大兵雖來未易我及自分作六軍推其驍勇者為首卷甲裹糧行有口矣公聞復造於軍曰汝等咸許受命招安既請於朝盍遲之何遽發此不祥語耶六首領曰若侍郎保全淨等抑又何求萬一兵先至文字浚來當借侍郎之首以謝諸軍公曰既以一家保全汝豈吝吾頭耶衆信之遂定公又以建昌去行朝遠縱得回報動涉旬月即告急於江西帥司請以頒降旗榜前來招安會倉廩灰燼糧食罄匱復議長驅如前公開諭曲折衆少息旬有五日帥司如公議左叅謀侯公懿提兵而來中途遇神武統制趙庠統領李昇被旨平寇分路入境郡卒又謀移寨麻姑乘險以守堅留

保無他虞乃遣監稅馬恭監押趙公訥進士張屏前往
 迎候三人者持金字牌歸羣情懼呼獨敢戰克頑不知
 華伏於道左邀劫官兵遇箭而潰公慮奔逸開城納之
 左右合圍賊之計窮且死叛首江青怒目握刃而前謂
 公曰嘗與侍郎約兵何以至便欲加刃公神色不憂徐
 曰金字牌先至兵乃在後非我負約當為汝卻之卻而
 不退死固未晚乃遍歷城中與諸將語且言城中解甲
 招安矣何以攻為若玉石俱焚豈主上好生之德吐音
 洪暢諸將竦聽為少卻尋遣劉淨等先往泰謀所次日
 盡發已招安叛卒及少壯士卒二萬餘人往軍前交割
 據營不出者惟敢戰公度其復叛密諭官兵統理丘贊
 曰前後變亂殘忍善殺皆敢戰也獸窮則搏宜速整兵
 一人營掩擊一占城壘以防其過贊如其言良久營中
 果放火殺人遂引兵入盡戮之罔有遺孽官不失一簇
 民不損秋毫坐收全功無有後艱自始亂以迄於城開
 凡十八日其間逆順不常欲犯臨川者三走南豐者再
 據石陂麻姑者各一或宰牛祭神擲筭以下或築甬為
 號將肆屠戮或束裝蓐食決為啓行俄頃之際

測公御以威信動中機會故能羈縻朝夕操縱在我
 諸徒赭衣披髮威勢赫然及見公必易服改容俯伏庭
 下公亦推誠待之得其腹心每遇危疑輒撲被往見宿
 於營中賊感其意愈加守護非夫精忠義勇格於神明
 安能回羣兇於方怒肉萬骨於已枯哉公出城或疑其
 行橐叅謀侯公遂遣將較閱視蓋空如也至金谿復視
 如初然後知公之志在為民顛沛不失其守邦人荷戴
 惠德雖百其身莫知圖報迺狀其績論列於朝繼又帥
 府諸司聯銜剡奏上聞而異之寵加書殿之華詔下之
 日比屋胥慶遂相與繪公之像建立祠宇世世欽奉經
 度形勝於軍治之東太守趙公許焉從民志也既落成
 父老請紀其事而刻諸石起採諸聞見據其實而書之
 若夫鋪張盛美播之歌詠以垂不朽則俟博雅君子焉
 公鄭州諱義叔字夏卿今為左中大夫克右文殿修撰
 提舉江州太平觀文安縣開國男食邑三百戶賜紫金魚袋云

朱陸二先生祠
 嘉靖十五年知府王度祀朱陸二先生
 像於道一書院已而督學按臨輒於書

院試士而遷其像於府學射圃亭萬曆六年知府王之屏始復為二賢祠而析其右仍為射圃昔之曠典自是改觀後復圮順治十年邑士建紫陽書院於北關萬壽宮之左專祀朱子焉

李泰伯先生祠 在城北鳳凰山下宋寶祐二年知軍事楊瑛立與文堂祀先生以曾子固中書

鄧聖求左丞侑食每歲春三月郡守率僚屬鄉之大夫士致祭于墓乃飲於興文堂歲以為故事熾於元逮

成化三年吏部主事左贊流請表墓立祠知府謝士元構堂易名曰景賢堂

三賢祠 在南城縣學宋景祐間知軍事趙時稼建祀先賢李觀蔡延世曾漸詳見趙時淨記

十賢堂 宋紹興間蔡延世建祀鄉先達陳彭年李觀曾鞏曾布曾肇朱京朱彥鄧閻甫王無咎呂南公

十人於仙都觀名十賢堂元季熾于兵明天順郡守江浩築樓於郡學左隙地祀之左贊記曰古者鄉先生沒

則祭于社所以風厲後學世不古若視為末務可嘆也已所江據江右上游自昔多聞人十賢堂昉於宋紹興

間蔡延世祀先達陳彭年以下凡十人于仙都觀庶平古人之意也元季熾于兵迨今百年未有興舉之者新

安江侯浩牧是邦有年政化大行封內無事在所當與者銳意為之以郡庠為列邑之望尤加意焉新大成殿

拓明倫堂齋廡庖廩以次就緒復相學宮之左隙地築樓楹一祠十賢以示尊禮之義下虛其中以爲諸生朝

夕必由之路經始於天順辛巳之冬明年春工訖完美不華掌教慈谿馮蒞謂侯斯舉有裨風化屬贊記其成

贊邦人也不知其人可乎陳彭年字永年學博才瞻屢典清秘後拜叅知政事贈右僕射李觀字泰伯仕止太

學說書立心高古操觚信筆未嘗蹈襲陳言卓然自成一家若袁州學記名教攸重學者稱為泰伯先生三出

魯氏曰鞏字子固即南豐先生仕止中書舍人從容矩矱不為阿附為文開闔馳騁應用不窮其要一歸於仁

義曰布字子宣官至右僕射謚文肅曰肇字子開官至翰林學士封曲阜開國侯謚文昭俱南豐第也二出朱

氏曰京字世昌為御史以風節著遷刑部侍郎時稱二米世英與兄同居太學並有才名遷刑部侍郎時稱二米

秩祀

鄧潤甫字溫伯一字聖求學識深粹辭致華敏累官尚書左丞贈太師謚安惠王無咎字補之擢進士雅尚恬退嘗著論語解十卷呂南公字次儒善屬文以古道自居號灌園先生雖其間出處操行不同要之文章政事冠冕是邦循舊祠之宜也且今之祠密邇廟學較之昔人祠于老氏之宮者尤宜君子論世尚友况鄉先生乎凡居是邦目是樓而能感激進修茂事功峙名節匹休前賢斯無愧為鄉之後學而侯之用心亦不徒爾也願與吾黨勉之

聶文定公祠 宋嘉熙二年盜殺郡守朝命將以師臨城吏部侍郎郡人聶子述單騎走魔下切陳

民冤遂得免止殺其渠魁祀於西關后傾圮改北關

包文肅公祠 在延禧觀墓側程伯宗記曰文肅幼從其世祿式蓋其立朝出牧風節凜然事載青史

在他所猶得立祠况其墓居延禧者乎

鳳岡書院 在北關祀李觀曾鞏何喬新羅垓夏良勝五先生崇禎十一年知縣王垣京課士其中為

鳳岡 鳳岡 鳳岡 鳳岡 鳳岡 鳳岡 鳳岡 鳳岡 鳳岡 鳳岡

羅明德先生祠 舊在北關鳳凰山下明天啓六年建祠于府學前乙酉燬康熙六年復建於財

江驛 前

大忠祠 景泰元年奉旨建祀殉難右副都御史鄧公榮春秋享祭至今不廢

遺愛祠 萬曆三十一年郡人為知府鄧鳴雷建

旌忠祠 在通會門月城內中丞胡松疏請敕建祀戰死建昌守禦千戶李瓊贈官廕子春秋享祭

孝子祠 在青綏舖為孝子黃覺經建孝子卒無嗣浮屠氏居其室以奉其祀名其堂曰道堂由是佛事

日盛而孝子之名漸泯弘治末知府舒昆山毀佛屏像飭孝子毋子像以正其位脩理堂室改其扁曰孝子祠

哀烈祠

在城北朝京門內嘉靖十八年知縣曹達奉旨為李葉妻胡氏建歲兩祀

節烈祠

在北郊五里庄萬曆年巡按御史張命知縣范涑為生員劉三善妻胡氏建并旌其閭表其墓

焉新城祭酒王材有傳太僕卿張楨有銘邑人同知夏寶記

南豐縣城隍廟

在縣治前數十步按舊志唐開元中宰

民德之及卒歌思不忘開成二年立廟祀之是為城隍之神或謂城隍有神游公蓋配祀也元初廟燬大德三

年知州李公建元末又燬明洪武知縣程瑞復建正德燬于寇主簿肅韶捐俸建

社稷壇

宋元置在迎軒門外洪武二年知縣程瑞遷于縣北揖仙門外地名黃沙坪

風雲雷雨山川壇

舊在揖仙門外宋元無山川壇洪武

邑厲壇

洪武二年知縣程瑞置干縣之西北地名熊家山

先賢祠

宋郡守楊瑱建祀魯鞏參政陳宗禮諸文章非小技也三代而下惟漢近古唐惟昌黎能復古

繼是弊矣宋以文治一興滌凡革腐幾與三代同風而士以文名者稱之嘉祐中歐陽文忠公以古道倡南豈

之魯眉山之蘇胥起而應眉山父子兄弟稽千載治亂成敗得失之變參以當世之務機圓而通辭倡而一言

之有補於世美矣然求其淵源聖賢表裏經術未有若吾南豐先生之醇乎醇者也先生初登文忠公之門其

說曰明聖人之心于百世之上又曰趨理不避榮辱利害相與爭先王之教於衰滅之中則先生之學非角聲

名競利祿之學矣韓子所謂仁義之人其言藹如也故溢而為文辭嚴毅正大不詭不回援孔孟之是斷戰國

策士之非舉典謨之得正司馬遷以下諸史之失如針指南如藥伐病言語之工云乎哉蓋眉山父子兄弟文

之奇南豐先生文之正奇者如天馬如雲龍恍惚變態而正者金玉之良凡物莫能加也帛之暖粟之飽

不可一日而無人莫知其功也以斯文明斯道淑斯人古所謂鄉先生者正如是沒則祭于社禮也而由元豐

迄今二百年尚曠茲典歲在甲寅楊君瑱來守時訪求
文物之遺慨然掇郡帑之餘下屬邑選委富而才者度
地建祠以慰是邦士君子之思乃於邑之西隅刻草取
曠刊突就平為堂其中而置像焉翼以兩廡前有門以
誦闔闢後有堂以處衣冠之來聚者經始於乙卯之夏
至丙辰之春落成於是人無遠近皆知斯文愈久愈光
而喜斯道有屬也觀像思人緇文見道必有進不自己
者豈但為觀美哉予嘗竊祿中秘遇當陞對嘗述先生
之文之道請賜謚立祠以光往哲以範後學朝廷既以
文定易名賢太守又為祀以從眾欲予適需坎與觀規
畫郡邑之士請書其本末遂不敢辭初宣力助費者譚
愛麟借其子曰新續之者羅仲固協謀營度者邑士徐
誼張有開嚴高時寶

祐四年正月望日記

曾文定公祠堂

在讀書崑景泰間訓導汪綸創祠亭成
林公俊以廢寺田四十畝供祀事訪其後主之汪綸疏
曰武王式商容之間而周道隆高帝祀孔子之室而

業盛古之君天下者尚爾况士人乎夫居於其鄉過
其地無聞其人之道德斯亦可矣苟有聞焉見焉不
發其跡而著其光使人具瞻仰而敬慕之則士與路
無異矣曾南豐先生實是邑之名儒也舊有書院俱廢
熄已久今幸存而未泯者惟讀書崑耳景仰先哲士心
惓惓竊欲供灑掃構祠亭於其下以為展敬之所計費
雖不過一二金而亦不容獨擅其美故以賢士君子謀
議之是蓋非若街祠巷廟之能為禍福以恐人也亦非
若佛寺道觀之可祈生死以惑世也然而人知敬此則
詩書之風興而禮義之俗起不知敬此則邪慝之心固
而好善之幾絕矣於乎豈云小補乎哉大學士李東陽
記宋曾文定公子固居建昌府南豐縣舊有書院在縣
東奉親坊後因以祀公寶祐中郡守楊瑱建祠迎門
外叅知政事陳宗禮為記元統初公族孫元翊祠于臨
川虞學士伯生為記季世兵燹無復存者景泰間訓導
汪綸始即河東麓公舊讀書崑為亭名之曰曾巖祠亭
成化壬寅無錫秦君廷韶來知府事慨其祠宇卑隘乃
命知縣李昱相地鳩物即巖之東而重建焉背山為堂

秩祀

十一

堂左右鑿石闢地為東西廡前為門屋屋之前壘石為洞洞之前因危石為階五級下屬于池池之上為橋以達于衢其傍則別為亭亭右折數步則書巖故地也甲辰之春工始告畢於是命公子孫領祀事而時謹視之謂不可以無紀奏書京師請予記夫所重乎立言者必能明天下之理載天下之事理明事載以翼聖道禪世治君子因有取焉其餘則蒐鑿藜藜無益乎為言矣若從橫權謀異端之說其妨政害道又可論乎古之所謂著述者自六經迄于孟氏若韓子猶不免詞章之文而所謂翼道禪治則有不可掩也宋盛時以文章鳴者數家予於文定公獨深有取焉蓋其論學則有持心養性至於服器動作之間無有弗悉論治則自道德風俗之大極於錢穀獄訟百凡之細無有弗備皆合于古帝王之道與治而凡戰國秦漢以來權謀術數之所謂學佛老之所謂教一切排斥屏黜使無得以亂其說者其所以立非獨為詞章之雄也且韓子去孟子已數百歲矣師傳授受之緒其言之立世固以為難公之生平又百歲而獨見超詣去邪歸正於治有禪而於道不為

翼則其言愈難而其繫天下亦重矣夫有功於天下則無國祀之有功於鄉則有司祠之孟子而上無俟論已予於廟之祀得韓鄉之祀得歐陽諸公之賢固天下之所不可闕者而况其鄉哉而况其子孫也哉楊瑱與賢之心元翊尊祖之義於今始兩得之而獨無宗禮伯生之文以紀事垂後予於公亦不能無慨於茲祠也秦君廉謹士好古而文於其所嚮可以觀政矣

軍山神廟

在縣治西曾肇記禮山林川谷丘陵陵能出雲為風雨見怪物皆曰神諸侯在其地則祭之

又曰山林川谷丘陵陵民所取財用也非此族也不在祀典夫谷卑於川丘陵卑於山苟有益於人皆蒙報禮夫崇高廣大拔出其類而能禦災興利為一鄉一邑之望也者其受命天子享有廟食豈非稱哉軍山南豐之望也考其圖記其高十有九里餘二百步其上四峰崛起輒隨注其產竹箭材章利及比壤縣固多大山而茲山傑出於百里之外其勢雄氣秀若蹲虎兕而翔鳳鸞宜

能出雲雨見怪物給民財用以爲此邦之望也舊傳吳芮嘗攻南粵駐軍此山其將梅錡祭焉禮成若有士騎麾甲之狀彌覆山上因號邦人祀之蓋自茲始唐開元中復現靈跡迺大建祠宇承事益虔後其廟屢徙今在盱江之陽距縣七里者南唐昇元三年之遺址也闔境祈禱有請輒應歷千餘年而封賁未加民以爲歎部使者請于朝久之不報元符三年六月今丞相曾公布時知樞密院事奏臣南豐人知軍山爲舊部使者之言不誣願如其請詔封其神爲嘉惠侯廟曰靈感軍山廟命書下臨邦人動色相與嘉神之功侈上之賜迺合財用廣其廟而新之廟成丞相屬其弟肇爲之記蓋南豐南城皆臨川屬邑南唐始分二縣置建武軍今號建昌國初改也軍在大江極南而南豐又其窮處地迫兩粵然其風氣和平無瘴氛毒癘之虞水土衍沃飛蝗不至故歲常順成而凶饑之災少民寡求而易足故椎埋鼓鑄盜寇之姦視諸隣有弗爲也自唐喪亂中原五易姓而此邦恬然兵火莫及逮本朝受命休養生息百四十年戶口蕃庶室家豐樂雖八聖德澤含涵覆露亦神之幽贊爲福使然揆實正名既見褒寵宜有文字以垂無窮故爲書本末且綴以詩使人春秋歌以祀焉詩曰土膏起兮流泉駛兮牧祖于田階婦子兮既耕且藝耘且耜兮一歲之功在勤始兮野無蝨螟塘有水兮非神之其誰使兮我苞盈兮遺乘滯德富鰥熒兮飲食勸酬銷忿倉露積如坻京兮遺乘滯德富鰥熒兮飲食勸酬銷忿爭兮倘非神助歲莫登兮我有室家神所祐兮我有耄倪神所壽兮神之祐我維其舊兮上之報神亦云厚兮醢酒刑牲肴杯豐兮吹簫考鼓聲逢逢兮我民薦獻無終窮兮千秋萬歲保斯宮兮

朱公祠

即紫陽書院知縣向編建

朱宣王廟

在龍池鄉刊都朱名從立唐禧宗時爲雲麾將軍唐末盜起能保全其鄉里寇不敢犯

旌陽祠

在南臺之巔傍有仰高觀瀾二亭嘉靖癸丑建

三應真君祠

在軍山絕巔

冷真人祠

在縣西十五里五都石仙觀左畔太平興國中真人與縣尉王博文密一日詣王曰吾欲

有所往即鑿開岩前樟木坐蛇其中王往視之死矣後其木復合縣胡公若疑傳者之妄斲木視之顏貌如生

宋人塑像構祠祀焉

宋叅政陳宗禮記

壽星堂

在宜春門外知州裴彥直生祠

節婦祠

祀載誌列女

里社壇一百八十三所

鄉厲壇一百八十三所

新城縣城隍廟

在縣治之西南宋紹興八年建屢燬明洪武元年知縣沙良佐仍其舊址新之

社稷壇

在縣西地名歲岡按舊志宋置在縣東明洪武八年知縣駱載德遷于今所

山川壇

宋附于社稷壇洪武八年知縣駱載德公建而祀焉

邑厲壇

在縣北狀元坊洪武二年知縣沙良佐建

四賢堂

在縣儒學大成殿之左紹興十三年知縣李維芑建祀李公泰伯王公補之鄧公温伯呂公次

儒

三陽將軍廟

在縣南十五里舊志五代亂擁將軍兄弟三人以赴敵歸而死邑人廟祀之宋紹興

初石陂叛卒與草寇饒青倡厥殊甚時顏閻二將櫛兵掩襲既久莫克廼禱于廟錫之夢吉果然還之日遂用

葺其廟宇知軍朱芾嘗遣祭其文曰聞諸故老相傳皆曰往時家調一丁以誅寇亂而將軍兄弟三人俱為壯

年為先赴敵成功以歸死得廟祀宜矣今建昌暴客淵藪民不聊生雖痛加懲艾弄兵者猶復不息師老財匱

未克討平視他郡晏然無警藐然甚慙將軍眷眷鄉里寧不耻之屬聞靈響驗甚遺像舊宇方將大脩而顯設

之人既歸向神宜降祥惟將軍英風義勇生氣凜然助
順芟肉在呼吸間耳一方息肩則血食春秋世世無愧

二范將軍祠 在縣旌善鄉廖勿齋記予嘗讀史至軍中
一范西賊破瞻喟然而嘆曰捐軀徇國之

士何代無人二范將軍安知不出其世系耶故老相傳
將軍居是邦季孟也俱為偏校嘗與敵決戰歿于陳其

義凜然不遠數千里猶屬橐鞬執鞭弭躍馬還故里時
有村媪掃于庭助勦狂走以箠指示眾曰將軍也即墜

地馬不復往自是威靈赫奕立致禍福凡禱祈輒應鄉
人由是祀焉以山川之奇崇崖壘巘佳木葱鬱有山曰

金籠二峯對峙翠色插天野鳥啁啾松風撼歷神之血
食茲土亦宜予謂古今忠臣義士生而忠於國死而惠

及於民不幸鄉無賢士大夫以事聞于朝廷卒使忠魂
義魄埋沒草野不獲以名上之太常氏贈之爵以華其

忠是以世遠事湮生於後者不復知其豐功偉績甚者
乃自以為濫祀此神之不遇其時者然也可嘆矣世事

因革或罔知祠祀之原因述其大槩若
夫盡死節福生民又神之太義存焉

崇正祠 在福山上祀朱文公先生公嘗講道于此故後
人尊而祀之羅一峯詩雲和草樹拂云香無盡

光中見紫陽萬籟一空天 黃司空廟
似水蒲船風月武彞堂

里社壇八十六所 鄉厲壇八十六所

廣昌縣城隍廟 在縣東隅宋紹興壬戌建縣令王秀穎
銘曰民社所依必有血食令尹不敢有

私惠神不容有私德俾頑民知化盜賊不作非徒令尹
是賴乃神之職吏奸且墨必貽其忒民循而良宜壽以

昌賞罰無爽 永鎮比方

社稷壇 在縣治東隅宋置在順化坪洪武二年知縣侯
端遷于今所十三年知縣張琥改脩成化十三

年知縣袁士 鳳重脩之

山川壇 宋元無壇洪武二年知縣侯端置于縣治南隅
十三年知縣張琥改作成化十三年知縣袁士

秩祀 十五

鳳重脩之

張令公廟

在東園何椒丘記畧曰論者或謂王生鄧州死節雖陽其平生足跡未嘗履江南廟而祀

恐非先王制祀之意是不然者氣也得其氣之剛大靈著者則為偉人發為忠義之業炳然巍然不幸而死其精爽耿耿者不隨異物而盡復為明神無所不之焄蒿悽愴隨所在而著見焉若王是已廟食于茲夫何疑哉乃作歌遺之使邦人歌以祀王王著城南土號封累加其曰東平威烈昭濟顯慶靈佑王者宋景定元年十一月所封也其歌曰桂醑湛今瑤觴簫鼓鉤今中庭靈連卷今未來渺予思今睢之陽靈之來今旗纛續紛駕赤虬今驟蒼麟霽雲先驅今殿以萬春歌我烝嘗今穆且欣嗟天寶今多盤敵騎開今閼河昏長虹在闕今龍在野悵孰掃今妖氛靈哀憤今援戈起鸞弓號今射妖豕北風競今西日蒼涼力既竭今繼之以死身雖死今精爽不亡陟降帝廷今棄陰陽察民善惡今下殃祥龍同之下

今肝之許松筠簫榛兮綠陰承宇朝出遊今暮來歸越千歲兮毋遠茲上屏蝨賊兮驅厲鬼錫我百福今壽且

祉靈之降福兮不那我民報祀今終古無已知府秦夔禁諭榜文節畧近年來居民妄稱唐忠臣張巡七月二十日生日宰殺聚會招致隣省隣郡動致數千人半月方罷東南會社未有若此之盛者以致乘機生事殺傷搶奪縣在萬山盜賊不時履霜堅冰不可不戒况張巡前代忠臣生能保障江淮死當廟食彼處設使神能効靈亦當以禮報祭豈必損無益之貲為非禮之舉然後為能盡其心哉且唐史載巡平昔無書不讀當睢陽城陷之時嚼齒罵賊而死其正氣在天當萬古不磨豈肯齷齪受死黥禮不經之祀今後但遇生期止許於原立祠廟去處以禮報祭仍前不悛解府究治

邑厲壇

在縣北隅洪武二年知縣侯端建

里社壇二十四所

鄉厲壇二十四所

瀘溪縣城隍廟

縣初附土神張王廟僻隘湫濕非所以

西廣袤凡若干丈係林樹田以舊址易之論役能尚義
助工役者聽有兔民傳汝楷捐金獨任填築基址鳩工
庀財中為神堂凡三楹后為棲神后堂左右為翼室草
創未固越十餘年傾圮萬曆三十年知縣馮日望捐俸
改造中為神堂繚以磚墉前為官廳凡三楹外為大門
左右為翼室邑之子矜多肄業其中週迴土墻規模壯
麗改觀今習儀

及講鄉約於此

社稷壇

在西門外鶴
巢之西偏

風雲雷雨山川城隍壇

在南門外

邑厲壇

舊在北關外廣仁寺之左說者謂鬼神弗棲知
縣梁應掄改築於西北之墩上遠於民居墩高

壇聳且以為雉城護障每歲二祭以城
隍之神為主其儀註祝文見禮教志

里社壇

在南門外石馬
今議改西壇

關帝廟

在南門城
內新建

張王廟

在城內北隅建
祀唐忠臣張巡

福善王廟

在東門外傳姓祠堂之右神姓歐諱祐唐
泉州太守祭靈於邵武太乾有墓在焉

鳴山廟

在北城外司前街建祀晉石
勒敕封自鳴山翊化真君

石龍廟

在縣
治北

福佑祠

在城
東

文昌祠

在城隍
廟側

義士祠

在一都建祀鄧公景祥載郡志主事王蔘記曰
義士祠者吁高阜魯氏祠其鄉義士鄧景祥也

元末亂魯伯遠者以其族自保景祥時在部下伯遠奇
其勇智遇之厚甚景祥感泣誓以死報會鄉有黃長者

通閩巨寇龔某伯遠惡之與絕婚長忿殺魯數人伯遠遂討殺長其黨請報于龔龔為提兵入境欲滅魯氏勢張甚不可禦危在頃刻景祥曰吾死所已為伯遠解茲禍死何惜焉乃挺身直往龔壘給之曰我伯遠也戴頭來矣餘何罪欲屠之龔義其言卒殺景祥引兵去魯氏得不沉其宗者景祥一死力也明成化間魯之傑曰用衡者感景祥之義倡於其族之人曰微景祥無魯氏矣今日繁以大無累千人業詩書而列衣冠者相望夫曷自耶而景祥尚弗祠可不可也遂相與立祠以祀焉夫不難於死而死於義之難景祥之死以報知已具全其宗與古程嬰杵臼脫孤存趙者其義相似然而二子者史冊傳之至今赫人耳目若前日景祥之事史終能傳之繼二子不磨滅否傳不傳未可知而廟食其鄉與其士相長久則景祥雖死猶夫生也景祥當日之死惟知有義其於後之祠不祠豈其所計而用衡祠之亦自盡夫報德報功之心而少以慰英魂於地下其亦可謂義舉已正德十一年冬予過高阜得造觀祠下竊謂大景祥一匹夫耳而能見道分明殺身取義凜然霜雪

彼有立人之朝高爵厚祿一文恩實深及過國難乃狗求活恬不之恤視景祥亦可愧矣夫景祥之死之功雖於一鄉然可使天下後世聞其風者皆知所激以起其忠義之心則家國綱常實惟賴之而其功固有不陰被于天下者則其祠豈獨宜其鄉而已也今而後將不有廣其義以大其典禮者乎魯之族人聞予言重有感也請遂記之而鏤其石

李公祠

在學宮之左萬曆四十三年知縣潘元勳請建

十三都即今瀘溪三都也流寓新城尚有祭祀合行專祠以崇明德伏乞上裁奉撫院允詳着有司特立專祠春秋親祀以少牢琮琤其於離蟲小技恥而不為直原本經學閎衍請駿端亮其於濟民為有用所著周禮論明六經明習世務斷以康世兵三策皆指掌太平之規蒿堂圖平土書富國安民強預料於胸臆間倘野修朝採目當世之慮靖康亂霧若佑慶曆時仁宗方銳意理道裨益宋祚不淺獨怪當景

復重以范文正余襄公之交相薦廼僅受一庫官齋志以沒而不獲竟厥用惜哉雖然用不用者天也傳不傳者人也天之所為用不用關一代之治統人之所為傳不傳關千古之道統寶佑開慶間郡守楊曾二公立興文景賢堂祀先生於盱郡美哉始基之矣至我明郡守謝公以對大浮白夢復營其壙南城銓部左公疏請命賜以少牢春秋祀歲如儀時成化年間距先生沒時已四百餘載而精神之所感通固若是耶嗟夫地靈人傑先生之生於赤境橋則今之瀘溪也顧祀典缺然而俎豆不光羨墻孰見有司表章前哲風勵後學之謂何萬曆甲寅西蜀潘侯以孝廉來宰瀘溪故有慨於中也為之捐俸卜地鳩工庀材報祠祀焉經始於萬曆丙辰冬落成於戊午秋扁其堂曰景行堂堂之後為饗堂祀李公主內外東西號舍共三十間為諸生肄業所森如翼如惶惶如也廟貌新而馨香荐先生與侯之心神一脉通之矣祠成告慶日侯夜夢白叟哀衣博帶稱白馬之謝覺而心疑之預以其事語庠中師生既瓜期近遣家人歸蜀舟次白馬陽侯作孽桅板蓬飛出沒風濤者三

十里昏霾中恍見白叟呵護維撤不施自抵于岸甫登而檣片片解矣語詳侯鶴城紀中夫今距先生夢浮白時又百有餘歲而精神之所感通猶如是邪噫嘻先生之學固不以用用而以傳傳邪余嘗讀先生語訓曰它人之道借曰善焉可有可無夫子之道不可須臾去不聞之是無耳也不見之是無目也不言之是無口也不學之不思之是無心無精爽也吾與斯道夜調晝讀髮班不知其疲終沒吾世而已矣夫具耳目心精之人閱天地為始終人在則夫子之道在夫子之道在先生之學在也侯以道治瀘以先生之教倡於瀘亦既家絃戶誦矣嗣是瀘宰盡以先生之教教人盡以先生之學學寓內且開風興起鼓吹休明則先生之學之傳殆千百世而未艾乎侯繼往開來之功與先生之學俱無窮矣瀘庠廣交張君元揚文學曾君于陞遠造余請記焉余故有意乎真儒良吏相繼以成一代文明之化也因援筆而樂為之記明末兵燹祠毀


國朝康熙八年公嗣復建祠知縣余履度記少讀泰伯先生袁州學記而好之筮仕鶴城為先生所生之鄉遂得

縱觀其全集見其瑰璋閎傑竊嘆有宋慶曆嘉祐之際
 何其盛也其出者既以盛德大業休問于時有上殿相
 爭下殿終和且平之風而其處者復蔚為儒宗百世而
 下讀其書者莫不聞風興起如先生是已當周程四子
 未出之先未嘗撫塵連袂而其道與之合有范余二公
 之薦亦既漸遠遷喬而其施卒未大可謂振世特立翔
 于廖廓者矣郡之士能以其著作傳世而久者同時唯
 先生門人子固自時厥後則椒丘圭峰東洲近溪潛谷
 諸君子耳禮不言祭川平先河後海先生則岷山之陽
 也先生沒後郡守建興文景賢堂時率諸生以祀明成
 化間又因邑人左公贊之請詔修其兆域有司歲祀以
 少牢萬曆初析肝邑之東北偏為瀘邑西蜀潘公復為
 創祀于邑中燬于未造重建于今康熙八年落成于今
 冬則先生裔孫招視鳳林力也先生所生之鄉為赤竟
 橋而新城赤溪亦指為所生地然逍遙樓峯之兆賢良
 之里按其地固在今瀘邑之三都也昔歐陽文忠自未
 遊杭州然僧惠勤獨謂其麾斥八極何所不至而以瀘
 湖為公几席間物蘓文忠躋之遂用其意名其坐後

為六一泉蓋人之可思者能使人異地與懷若此况其
 生長嬉遊之地又為其後人恭敬維桑者哉余嘉其光
 揚先緒不辭為之記嗚呼先生之生奕仙是夢沒且數
 百年猶能以二太白示夢于謝守所謂不待生而存者
 其然哉其然哉祠成而饗之吾知其御
 風乘氣冷然來下于兩楹坐奠之間也



海山先生文集
卷之八



海山先生文集
卷之八

